



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-329-6/22**
Datum: **15.08.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, «ROADING» d.o.o. Gračanica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta postrojenja asfaltne baze u Industrijskoj zoni grada Gračanica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o vodnoj dozvoli**

1. Pravnom licu, «ROADING» d.o.o. Gračanica daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta postrojenja asfaltne baze kapaciteta 100tona/h izgrađenog u Industrijskoj zoni grada Gračanica na zemljištu označenom kao k.č. broj: 5231/1 i 5231/2 K.O. Gračanica, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog postrojenja u vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina asfaltne baze nesmetano sakupljaju sistemom slivnih rešetki i kanalizacione mreže i odvođe do objekata predviđenih za tretman otpadnih voda (taložnik i separator ulja i masti), sa krajnjim ispustom prečišćenih voda preko okna za monitoring u rijeku Spreču.
 - 2.3. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u krajnji recipijent – rijeka Spreča, ostanu u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje otpadnih voda (slivne rešetke, taložnik, separator ulja i masti, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Održavanje, čišćenje i pražnjenje taložnika i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti te izdvojenom talogu iz istih.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).

- 2.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, «ROADING» d.o.o. Gračanica dana 27.06.2022. godine podnesen je ovaj Agenciji zahtjev za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje za ispuštanje oborinskih onečišćenih otpadnih voda u prirodni recipijent sa lokaliteta postrojenja asfaltne baze kapaciteta 100tona/h izgrađenog u Industrijskoj zoni grada Gračanica na zemljištu označenom kao k.č. broj: 5231/1 i 5231/2 K.O. Gračanica, grad Gračanica.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-3-40-329-2/22 od 29.06.2022. godine zatraženo od podnosioca zahtjeva da istu dopuni što je i urađeno u ostavljenom roku.

Uz zahtjev je dostavljena sljedeća dokumentacija:

- Ovjerena kopija Rješenja o registraciji u sudski registar broj: 032-0-Reg-11-000458 izdatog dana 18.04.2011. godine od strane Općinskog suda u Tuzli,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-35-418-12/10 izdatog dana 18.11.2010. godine od strane Uprave za indirektno-neizravno oporezivanje Banja Luka,
- Ovjerena kopija Uvjerjenja o poreznoj registraciji izdatog dana 01.11.2010. godine od strane Porezne uprave-Kantonalni porezni ured Tuzla,
- Kopija Rješenja o odobrenju za građenje broj: UPI/03-23-2-217/13 MT izdatog dana 04.08.2014. godine od strane Federalnog Ministarstva prostornog uređenja,
- Kopija pravosnažnog Rješenja o okolinskoj dozvoli broj: UPI 05/2-23-11-60/17 SN izdatog dana 22.05.2017. godine od strane Federalnog Ministarstva okoliša i turizma,

- Kopija Rješenja o vodnoj dozvoli broj: 04/1-11-21-20996/20 izdatog dana 31.12.2020. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-591-4/16 izdatog dana 03.03.2017. godine od strane «Agencije za vodno područje rijeke Save» Sarajevo,
- Kopija Ugovora o čišćenju separatora i zbrinjavanju opasnog otpada broj: 574-01/20 zaključenog dana 20.07.2020. godine sa «KEMIS-BH» d.o.o. Lukavac (prilog-transportni list broj: 559-04/20 21.07.2020. godine),
- Izvještaj o ispitivanju kvalitativnih i kvantitativnih karakteristika efluenta sa programom praćenja stanja voda i rezultatima monitoringa broj: 244-01/22 urađen od strane «Instituta za hemijsko inženjerstvo» d.o.o. Tuzla, mart 2022. godine,
- Revidiran glavni projekat poslovnog objekta asfaltne baze sa pratećim sadržajima (Snabdijevanje vodom i odvodnja otpadnih voda) urađen od strane «PGP HIDROINŽINJERING» d.o.o. Tuzla, maj 2013. godine - na uvid,
- Dokaz o uplaćenju upravnoj taksi na zahtjev,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-591-4/16 od 03.03.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 09.08.2022. godine konstatovano je da podnosilac zahtjeva «ROADING» d.o.o. Gračanica redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak lokaliteta predmetnog postrojenja u Industrijskoj zoni grada Gračanica te je sačinjen zapisnik o izvršenom uviđaju broj: UP-1/21-3-40-329-5/22 od 08.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat asfaltne baze izgrađen je u Industrijskoj zoni, ulica Sprečanski put bb u Gračanici. Objekat se sastoji od postrojenja za proizvodnju asfalta proizvođača AMMAN, tip GLOBAL 80, kapaciteta 100t/h; nadstrešnica sa bokovima za agregat; 2 nadzemna rezervoara za bitumen kapaciteta 2x50 m³ smještena u betonsku vodonepropusnu tankvanu; nadzemni dvoplašni rezervoar za lož ulje kapaciteta 50 m³; ostala pripadajuća oprema, te zatvorene radne prostorije.
- Snabdijevanje vodom za sanitarne potrebe je obezbijeđeno priključkom na gradski vodovodni sistem kojim upravlja JP «Vodovod i kanalizacija» d.o.o. Gračanica. Sanitarno fekalne vode iz sanitarnog čvora za uposlone se prikupljaju zasebnom kanizacionom mrežom te odvođe u septičku jamu. Za zahvat vode i ispuštanje sanitarno-fekalnih otpadnih voda od strane Ministarstva poljoprivrede, šumarstva i vodoprivrede Tuzlanskog kantona izdata je vodna dozvola.
- Vanjske radne i manipulativne površine su u potpunosti uređene. Oborinske vode sa radnih i manipulativnih površina sa dijela kompleksa (uz postrojenje za proizvodnju asfalta), koje mogu biti onečišćene suspendovanim materijama, mineralnim uljima i naftnim derivatima se prikupljaju sistemom slivnika i kanizacione mreže i odvođe na tretman u trokomorni betonski taložnik. Nakon taloženja, otpadne vode se odvođe na tretman u separator ulja i masti. Prečišćene vode se nakon tretmana ispuštaju u oborinsku kanizacionu mrežu kompleksa sa krajnjim ispustom u rijeku Spreču.
- Čišćenje i pražnjenje taložnika i separatora ulja i masti, te odvoz ostalog opasnog otpada se vrši od strane firme «KEMIS-BH» d.o.o. Lukavac sa kojom je zaključen poseban ugovor.
- Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za mart 2022. godine urađen od strane «Instituta za hemijsko inženjerstvo» d.o.o. Tuzla. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «ROADING» d.o.o. Gračanica ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta postrojenja asfaltne baze kapaciteta 100tona/h izgrađenog u Industrijskoj zoni grada Gračanica, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-329-4/22 od 04.08.2022. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.

Dostaviti:

- «ROADING» d.o.o. Gračanica
Sprečanski put bb, 75320 Gračanica
- ⊕ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava